

Schnitzelbänk Tschädrios 2008 (Melodie: Appizäller sind luschtig)

Nach dä Bärebar am Morgä putzt d' Mira diä Bar
Und was sie mues gseh det, das isch würkli wahr
Am Bodä uf äm WC, ja cha dänn das sii
Lit dä Silvan Schwitter und lueget no ii

Letschi im Unterdorf prallt äs Auto id Wand
Kän Fahrer am Stür, ja das isch allerhand
Wiä cha das passierä, das frögt mer sich da
Dä Fritz Schoch hät d' Handbräms nöd azogä gha

Z'Schänis chönd d'Töfflibuebä machä was wänd
Und au alli Gauner ribät sich d' Händ
Will di dunklä Gschäftli laufet wiä gschmiert
Dä Superbull Hobi isch ez pensioniert

Mit volläm Auto vo dä Bullä usä gno
Chunnt d' Hildi Schwitter normal suber dervo
Hettet's gnau glueget, hett's ä Buess ibrockt
Will dä Albert Düring im Kofferruum hockt

Dä Chef vo dä Lego hät scho Freud gha
Doch voreilig fiirä sött mer halt laa
Will än super Auftrag nöd hät welä hauä
Nämli z'Schänis än Funpark us Legostei zbaue

D' Grossmueter Rickli isch am Morgä ufgwacht
Will einä mit Schnarchle än riesä Krach macht
Ihrä Änkel dä Bruno, vom Usgang heicho
Hät sis Zimmer nöd gfundä und drum ihräs gno

Dä Chüeni Jimmy und d' Doris packet ihri Sache
Si fahret is Wallis zum Schiiferiä mache
Kum detä acho, gmerkt d Doris scho
Di parat gmachtä Schii sind glich nöd mitcho

Zum d' Frauä beidruckä wird ä Huufä gmacht
So au a dä Bärebar i dä Wiähnachtsnacht
Dä Pasci Büsser ja das isch kä Witz
Macht z' mitzt uf dä Bar obä 20 Liegestütz

Dä Judä Marc und dä Manu wänd sich nöd genierä
Fürs Tumerchränzli tüend sie drum immer trainierä
Sogar am Bar und Pub z' Jona lönd sie sich nöd lumpä
Und machet dur di ganz Halle äs Böckligum pä

I dä Türgarage im Steinä da chas eim passierä
D Sitä vom Auto a dä Sülä na z schmierä
Aber mir glaubät numä dä Eli Egli glingts
Das zweimal am Tag zm ache, nämli rächts und au links

Vo Düsseldorf heifiügä sött dä Paul Schwitter
Im Hotel nach äm Usgang laufets aber ganz bitter
Nur no ä halb Stund go pfusä das klappet nöd, nei
Drum verpasst er dä Flüger und mues mit äm Zug hei

Uf äm Pannästreifä vor äm Mövápick
Lit dä Doris z Auto ab, was für äs Missgschick
Dä Reto hät müesä stossä und wär fascht durädrüllt
Will sini Schwöschter hät dä Tank nöd ufgfüllt

Am Mario Beeler tüend d' Guggäproba nöd gfalle
Drum seit er am Präsi er sig no z St. Gallä
Was dä Präsi dänn gseht, das isch nöd irgend nämis
Dä Mario fahrt gad mit äm Velo dur Schänis

Dä Bränner Beni das wüsch em nöd geh
Äs paar Schänner hänen letschi i dä Leuä Bar gseh
Er seit ganz ehrlich er seg zerscht mal det
Aber Barmdame fröget, über zglich wiä geschter wet

Usä neu Gmeindrat dä Bosshardtä Tom
Hät sich guet igläbt und all findät nä toll
Er unterstützt d' Reschtaurant, d' Verein und all Fäscht
Indem er verhoggät und niä gaht is Näscht

Dä Chämifäger Böhni, än gselligä Maa
Änggi Frauä Hosä hät er ganz gem aa
Zum diä Hosä go poschtä mues er nöd wit ga
Er chaufets gad bim Jambo und leits dänn gad a

Dä Cedi Büsser frührt nöd gem ad Tatzä
Drum tuet er sis Auto am Morgä nöd chratzä
I dä Zitig chasches läse, mer sött ebä doch
Will d' Bullä machet Jagd uf diä mit Guggloch